

DEN JUANCHO IRAUSQUIN SU EPOCA

Skirbi pa : Janchi Tromp




Juancho Irausquin como estudiante segun registro di

Juliana School, na grandi cu e profesion di banquero, y den

e arena politica a coloca su nomber den e grandinan den e historia di nos Pais Aruba.

Su entrada den e arena politica a cuminsa ariba e lista di AVP tempo di Shon Henny, ya cu for di tempran nan a mira su capacidad di ta un gran consehero y planificador pa un mihor mañan pa Aruba y su pueblo, y esaki despues di su desaparicion a keda y por ser observa cu admiracion y orgullo.

Debi na un desacuerdo ela bandona e fila di AVP y lamta su propio partido y a pone e nomber di esaki Partido Patriotico Arubano, cu tin e record bao di e liderazgo di Juancho como e unico partido cu a logra 15 asiento den un eleccion, y tristo ta awendia ora cu den e ultimo eleccion e partido grandi aki y cu a haci hopi otro grandi tambe, a



keda afor sin logra un asiento pa salba honor.

E desacuerdo cu a pone bandona e fila di AVP tabata e asunto di 12-8, cual hopi politico y no-politico awendia ta tene esaki ainda den nan campaña y ataquenan politico, pero por ta cu hopi di nan no conoce e verdadero ta tene esaki ainda den nan campaña y ataquenan politico, pero por ta cu hopi di nan no conoce e verdadero causa di e quiebra aki di Juancho for di AVP, ni tampoco e motibo pa cual Shon Henny a bai di acuerdo pa cu e 12-8, di cual Aruba a haya su aeropuerto y su haaf y waf pa Aruba.

E partido di Juancho a crece debi na su bon trabao y loque Juancho a percura pa su pueblo, entre otro e pensioen di vehez, e tienjaren plan y despues e meerderjarenplan.

Ela ocupa e cartera di Ministro di Financien, den cual ela traha y planea debidamente tanto pa Antillas como Aruba. Aruba cu ture fluho di turismo awendia, ta un semilla cu Juancho a planta for di comienso cu su vision pa cu e futuro di Aruba.

Na construccion di Aruba Caribbean Hotel, hopi critica a bini adilanti, y hasta expresionnan di 200 kamber cu si esaki ta pa cabrito, y awe ta di admira cu e promer piedra poni a bira e industria di cual Aruba ta depende di dje mas cu tur cos.

Su trabao incansable a afecta su salud, su descanso tabata poco, y su estado di salud a bai tras y ela fallece lagando atras, caminda y trabaonan pa ser finalisa.

Sin Juancho su partido tabata falta di e liderazgo grandi di su taya. Hopi ta esnan cu a crece den fila di Juancho su partido, y hopi ta esnan cu a bai busca laureles na otro frontera, y hopi a sigui pero na final di cuenta e falta di reemplazo tabata notable.

Juancho a percura y a habri caminda pa mihor futuro pa Aruba, ela percura pa e pensioen di vehez, e industria di ACI, e planta di awa, y cuantun mas personalmente, directo o indirecto pa su pueblo.

Politiconan manera Juancho ta poco awendia, y politico nan mañan di su taya, ta na caminda pa ser mira y considera grandi.

Si Aruba ta grandi awe den turismo, ta debi na e semilla planta den oranan tempran cu un vision claro di Juancho y cu esaki nan awe ta manera su estatua grandi, y e tambe lo ta uno cu tin lugar den e verdadero historia di Aruba y den nos Archivo Nacional.